



31

hh)

211

Regliche / jennmerli-
 che vnd warhafftige Zeittung / von
 der einnehmung vnd plünderung der weit
 vnd hochberümpften Stadt Antorff / im
 Hertzogthumb Brabant gelegen / Vnd
 was sich von dem andern Nouem-
 bris / bis auff den sechzehenden
 tag / allenthalben zuge-
 tragen hat.



Anno 1577.



115

Auff den Freytag aller Seelertag / den 2. Nouembris / Anno 1576. seind der Stedten dieser 17. Lendlein Kriegsvold / vngeschehlich zu 2. Vhrn / nach Mittag von Brüssel / durch Niebel für diese Stadt Antorff komen / vnd als bald darein begerit / Als nemlich / der junge Graffe von Egmont / der Herz von Hausrot / mit vielen andern Herren vnd furembsten

Hauptleuten / zu Pferd vnd zu Fuß. Item / der Herz Beures / vnd andere zu Pferd / vnd der Herz von Capres / der Hauptman Blaves vnd ander zu Fuß / meisteheil Wahlen / vnd Hackenschützen / vnd 120. Widerlendische vnd Wahlenische leichte Pferde / darunter etliche Ordinari Bendon also genant / furende des Hertzen von Arschots Wappen / vnd darneben ein gekrönet Herz / fürgewendt / wie das sie gewiß wüsten / das man mit denen zu Antorff / nichts besser / aber wol viel ergers / denn mit denen zu Mairich handeln solt / zuuerstehen / das man die Stadt Antorff durch das Hiesich Schloß mit allerley Spaniern / 2c. vnuerschenlichen vberfallen vnd plündern würde / Welche zuvor kommen / weren sie in grosser eyl zu Tag vnd Nacht viel Meil weges / sonders essen vnd trincken hergezogen / begerten derhalben / wie gemelt / in die Stadt zukommen / sie weren alda als Freunde / vnd weren gar nicht der meinung / die Deutsche Besatzung als Graff Orr von Ebersteins 9. vnd Hauptman Cornelis von Linden 4. Hochdeutsche Senlein Knecht / welche zu nechsten Antorff gelegen / an ihrer wache zuuorbindern / zu beschedigen noch cynig leyd zu thun. Welchs der Herr von Campaigni / dieser Stadt Antorff Stadthalter / der des Cardinals von Gramuelle Bruder ist / sampt den Graffen von Eberstein / vnd den Rath dieser Stadt ihren berath genommen haben / vnd ihnen zu End boten / das sie ihnen in 24. Vhrn / oder vielleicht balder Antwort geben wolten / Also haben sie den folgenden vor Mittag / als auff den Sambstag den 3. dato in ihrem Rath befunden / das sie der Stedten Kriegsvold herein lassen wolten / vnd des Hiesigen / Schloßmacht / vnd drewungen erwarten / haben auch als bald der Stedten Fußvold nechst gegen dem Schlos von S. Michaels Kloster bis zu S. Georgen Kirchen / die Reuter aber auff den Pferdmarkt / vnd dergleichen orter geführt

412

geführt vnd gelegt/ vnd haben die Bürger allhier auff der Stedten
Vold begeren/ vnd des Hiesigen Kathis befehl/ von stundan anges-
fangen/ ein Kampart oder Gegenwehr mit Wollsecken vnd Kötbalz-
len/ 2c. zumachen / vnd das Kirdreich auffzuwerffen / das dieselbige
Gegenwehr in 24. stunden / vnangesehen / des hellen Mondscheins/
vnd des Schlosses grausamen schiessens/ vnd Feuerwerffens der-
massen gehöret/ das die Stadt gegen dem Schlos (so man vermeint)
in zimliche Defension / kommen/ ist auch schon etlich groß Geschütz
aus der Newstade / so man alda gegen den Geusen gebraucht/ an et-
liche irth/ sonderlich aber auff der Schirmer oder Fechmeister Hoff/
auff die Feste vnd Höhe bey S. Georgen/ oder Keyserischen Thor ge-
bracht worden / darauß man inn das Schlos geschossen/ vnd schaden
gethan hat. Aber nach dem der Castellan von gemeltem Hiesigen
Schlos / Sambsen Dauilla genant / den Rebellirten Spanniern zu
Allst in Flandern vmb hülff geschriben/ vnd die Stedte kein Kriegs-
vold bey S. Bernhards Kloster/ zwo Meil aufferhalb der Stadt hins
der dem Schlos an/ das wasser die Schelt genant/ gestelt haben. Alda
solche Spannier nur mit 100. Personen auff einmal hierüber kommen
können/ vnd also daselbst am Wasser/ wenn der halbe theil hierüber
kommen/ gar gut zuschlagen gewest / wie man auch hic in der Stadt
nicht anders wuste/ denn es weren noch viel von der Stedten Kriegs-
vold zu Fuß vnd Ross bey S. Bernhard/ vnd hinten am Schlos/ so
hätten die Spannier/ so ins Schlos wolten/ gewiß geschlagen werden
können / 2c. Es ist aber von den Stedten Kriegsvold niemand
aufferhalb der Stadt blieben/ noch deshalbē Wach gehalten/ sondern
seind alle herein kommen / vnd wol gettractirt zu werden/ vnd nicht
auff die Principale Kriegsstücken hic zugedendend. Derhalben so
seindt leider gemelte Rebellirte Spannier zu Allst / bey 2000. zu
Fuß/ auff den Sonntag früe den 4. Dato/ sonder eynige Gegenwehr/
durch vorgemelte Wasser / haß vnd als bald mit noch 1000. andern
Spanniern zu Fuß/ vnd vngeföhrlich 800. leichte Pferd/ die von Mas-
stricht Lyer/ 2c. zu ihnen kommen seind/ gegen dem Hiesigen Schlos
gezogen / welchen der gemelt Castellan mit 40. Pferden vnd etlichen
Bodenschützen entgegen geritten/ sie alle willkommen geheißen/ vnd
ihnen gedankt / das sie seinem schreiben glauben geben haben / vnd
ihme zu hülff kommen/ sie auch ferner darauff/ als die beste/ vnd erz-
fahrnste/ alle Königliche Spanische soldaten/ auffss höchst ermant/ die

91
Stadt Antorff/ sondern lenger vorzug/ vnd ehe sie die Gegenwehr/
so allbereit darinnen angefangen/ stercker machten/ anzugreifen vnd
zu stürmen/ vnd so sie die/ wie er gar nicht zweyffelte/ eröberten/ wöl
er sie nicht allein Kön: May: 2c. zu Hispanien/ jrer begangenen Re-
bellion halben ganz frey, ledig vnd loß/ sondern sie auch jres außstie-
henden Kests jrer Besoldung/ gewiß bezalt machen/ vber das geb er
jnen die köstliche/ reiche Stadt Antorff zu plündern/ vnd zu vordren-
nen/ jhres gefallen frey (wie dann jhrer jeder ein wüsch Stro auff
jren Sturmhütten herein bracht) auch die Bürgerschaft/ vnd dersel-
ben Rath nach jrer selbst Discretion todt zuschlagen/ oder zu Kanzo-
niren/ allein begerend keine Gefangene ins Schlos zubringen/ denn
er würde noch köndte die nicht herbergen/ Auch wöll er jnen zu hülff/
im vorzug etliche von seinen selbst Spanniern aus dem Schlos mit-
geben/ oder jnen selbst den vorzug lassen/ wie sie es selbst am liebsten
hätten/ vnd jhnen gelegen were. Darauff haben sie sich versamlet/
vnderredet/ beschlossen/ vnd zusammen geschworen/ allzumal/ sonder
widerkehren todt zubleiben/ oder aber die Stadt Antorff zu eröbern/
Seindt also auff vorgemelten Sontrag nach Mittag / vngesehr umb
zwey Vhr / neben dem Schlos gegen der Stadt angefangener vnd
mit außgemachter Gegenwehr/ mit solchem grausamen geschrey/ ernst
vnd beharren gezogen/ das sie dieselbe Gegenwehr/ vberstiegen/ die
Wahlen vnd Bürger/ so noch Erden auff die Gegenwehr getragen/
gearbeitet/ vnd Wach gehalten haben/ an etlichen orten vnuersehrlich
vberfallen/ erschossen/ erstochen/ vnd jämmerlichen erschlagen. Also
von stund an die nechste Strassen der Stadt/ ehe der Kest der Waha-
len/ in eynige rechte Ordnung kommen mögen/ eingenommen/ die
Heuser auff dem Flachsmarkt (deren gar viel auff den grund abge-
brunnen) angezündet/ vnd also fürder auff den grossen Markt/ bey
dem newen Stadthause/ vnd auff der andern seiten ein hauff Span-
nier inn die Meer gegen der newen Bursche kömen/ vnd eingedrungs-
gen/ vnd die Deutschen Landstnecht/ so alda vnd sonst allenshalben
starcke Wach gehalten/ vñ sich gegen jnen zur Wehr gestellt/ 2c. Gleich-
fals erschossen/ erstochen/ vnd erschlagen/ eins theils von des Haupt-
mans wegen Cornelt von Enden/ Hochdeutsche Landstnecht/ vnd
Graff Hannibal Vold / nemlich 4. Fenlein/ seind zu den gedachten
Spanniern gefallen/ es hat sie aber nichts/ oder doch gar wenig ge-
holffen/ ist der meiste theil auch ombkommen.

Die:

Die Bürger seind sonder Haupt nach ordnung in der Stadt hin
 und wider gelauffen / eins theils auff den Ochsen / eins theils auff
 den Pferdmarkt / verhoffend vnd (wie sie von dem Herrn von Cham-
 paigin item Stadthalter gehört) alda eine Ordnung zu finden / oder
 selbst zu machen / sie sind aber allenthalben von den Spanniern vber-
 eylet worden / vnd hat sich also letztlich ein jeder der kondt nach Hauß
 begeben / vnd in die Keller / auff die Söller / vnter die Coruen / Nutz-
 scharren / Holz / Hew / Stro vnd dergleichen verborgen / auch sich auff
 die Decher der Heuser begeben / vnd sich hinter die Camethen oder
 Camin versteckt / vnd den mehrer theils hernach im plündern gefun-
 den / auch in gegenwart / Weib vnd Kinder jemerlich erschossen / er-
 stochen / vnd erschlagen worden / sonderlich aber die jenigen / die kein
 bahr Gelt / oder Silber geschir / etlicher mehr bey jnen gehabt. Denn
 die Spannier haben als balde nach eilangtem Sieg vnd ertödung
 der Wahlen / Hochdeutschen vnd etlichen Bürgern / denselben Abend
 vor Nachts zeit noch angefangen die Heuser aufzustossen / dieselbe
 einer vor / der ander nach / sampt allen Backheusern / auch frembden
 Nationen Güter zu plündern / zuuerführen / vnd vntereinander zu-
 verkeuffen / wie ein jeder (Gott erbarmes / dem es im Himel droben
 muß geklaget sein) hernach mit der zeit wol vernehmen vnd hören
 wirdt / auch haben sie das köstlich vnd schön Stadthauß allhie vnd
 runds herum der fürnembsste Bürger vñ Hülde Brüders Heuser /
 daraus man sich gewehret hat / in Brand geschossen / vnd sonst ange-
 zündet / also / das am Rathhause / nichts mehr denn die bloße Maw-
 ren / vnd der schwarze kleine Adler darauff stehend / vberblieben ist /
 vnd vmb gemelt Stadthauß herum / haben sie etliche Heuser / son-
 derlich aber den Silber Pfand als bald geplündert / darnach densel-
 ben Pfand / mit viel andern Heusern / mit starkem Feuer angezün-
 det / also das der grosse Markt eins theils / vnd von gemelten Silber-
 pfand / bis an das Fleischhaus / da wol 400. Heuser gestanden / in
 den abgrund abbrunnen sind / mit sampt nach der Käse vnd Zucker-
 hinder dem Stadthauß / vnd auch auff der andern seiten desselben /
 bis auff Franz Schotßhaus / vnd der Cordewagen Bruck / schier bis
 an das groß Wasser / dardurch ein grausamer / grosser / erbermlicher
 schade / an allerley Gut / als Wolle / Tücher / Leinwat / Canesatz / Pas-
 pir / Specerey / Gel / Zucker / Speck / Käse / Butter / oder Schmalz / etc.
 welches schier nicht zuschätzen / geschehen ist. Vnd hat solcher Brand

45
vnd Plünderung bis gestern Abendts den 7. Daso gewehret/vnnd
gehet an etlichen örtern/ da es die Spannier nicht bewaren/ noch jms
mer fürder/ Denn was die Spannier vberbleiben lassen/ Das haben
etliche umbgefalne/auch mit den Spanniern herein kommen/ Deutz
schen als Juggensche/ zc. fort geplündert/ Seind also die Heuser/
Bachheuser/ vnd versürte Güter / da kein Volk mehr gewest / zum
theils offtern mal geranzont/ vnd lezlich noch geplündert/wegge
führt / ja etliche gar verbrand worden.

Die drey Hochdeutsche Obersten vnd Freyherm / als der von
Dollwyl/ Freundsberg vnd Jagger/ seind vor einlassung der Steds
ten Kriegsvoldt im Hiesig Schlos mit ihrem Oberhoffgesind gewis
sen/denn jr Kriegsvoldt meist theils weit von hinnen/vnd an mehr
örthen zustrewet/ in Besatzung geleyet werden / Aber Graff Otto
von Eberstein/ zc. so sein Kriegsvoldt/ meist theils hie in der Besat
zung gehabt/vnd sich gewehret/ Ist / wie man sagt/ erst in der Nes
wenstade allhie / Lezlich im fliehen ombkommen / jedoch noch nichts
gefunden worden. Der junge Graff von Egmond / sampt dem
Herz von Capres/ ein alt Welsher Kriegsmann/ der jetzt viel böß
geschrey hat/seind gefangen vnd gewiß auff Hiesig Schlos geführt.
Der Herz von Hauret / vnd Herz von Campaignin / so sich anferd
lichen gewehret / haben sich lezlichen inn ein klein Schiff begeben/
vnd sind nach dem Heusen / oder zum Prinzen von Orange gefahr
ten. Etliche vermeinen aber/sie seind von den Spanniern vnter we
gen noch ergriffen/vnd ins Wasser geworffen worden: Den grunde
gibt die zeit.

Die sage ist heut/ das des Obersten vnd Freyherm von Freunds
bergs Hochdeutsch Regiment herkommen werde/vnd sollen die Span
nier nach Mechel vnnd Brüssel/ etliche vermeinen nach Gent ziehen/
das Schlos alda zuretten / die Spannische leichte Pferd/ seind meist
theils schon wider von hinnen / auffs Land herum allenthalben ge
leyet/bis nach Mecheln/zc. Gott der H R z wolle die arme vnschül
dige Leut allenthalben vor solcher vnserer straff vnd dergleichen jams
mer gnediglich beschützen vnd beschirmen / vnd ihnen allenthalben
bessern vorstand vnd Weißheit verleihen vnd geben/denn vnsern ge
wesenen Stadthaltern vñ Rath/auch sonderlich der Stedten Kriegsv
oldt vnd Regierung / dadurch wir leider jetzt gegen vnsern gedanz
ten vorhoffen noch sorgen/so erbermlich vñ jemeulich gestrafft worden
sind/

74

find / Also / das zu besorgen ist / diese Stadt komme in 50. Jahren / ja
nimmermehr wider zu jr selbst. Gott der verleibe bessers / vnd allent
halben ergötzigkeit.

Auff heut den 8. Dato / 16. hat man hie Publicirt auch als bald
allenthalben angeschlagen / das man hie niemand mehr todtschlagen /
plündern / noch einig Gut weiter aus der Stadt ins Schlos führen /
noch bringen sol / sondern die Güter in der Bürger vnd jren Backheut
fern / auch andern örtern unbekümmert liegen zulassen / vnd allein die
Kanson darvon zubegern / zu empfahen / vnd hinfort damit zufriedent
vnd begnügig zu sein / bey Leibstraff / 16. Welchs (Gott hab lob) ein
zeichen ist einer neuen gar notwendigen Policey vnd ordnung.

Es wollen auch etliche jetzt sagen / der Graff von Eberstein sey
mit dem Herrn von Hauret vñ hiesigen Stadthalter Campaign / 16.
gen Flessingen vñ fürder gen Mittelberg zum Pringen von Orange
kommen / Aber der jung Graff von Egmundt vnd Herz von Capres
sein gewiß gefangen / vnd sampt dem Hauptman Cornelis von Lins
den / auff das Hiesig Castell oder Schlos gefüret / was man mit sol
chen Gefangenen fürnehmen / sie in harte vnd schwere Gefengnis lez
gen / richten / oder auff eyntige Condition wider ledig lassen werde /
darvon höret man noch nichts. Gott der H. P. wolle jnen vnd vns
allen helfen / vnd vnser Seelen seligkeit verleihen.

Das vorgemelte plündern hat / vnangesehen / der verbots / noch
jimmer bis auff den 9. Dato / gewehret / mit was schrecken / drewun
gen / Marter vnd Todts / die Bürger vnd auch die Außlander vnd
frembde Nationes / jhr Armut vnd Güter verloren haben / ist nicht zu
schreiben / viel weniger außzusprechen.

Es hat aber ein jeder verstendiger selbst gut zubedencken vnd zu
erwegen / wie es in solchen fellen / hendeln / eylenden vnd vnuerseht
chen / oberfallen / vnd gewaltig einnehmungen vñ vñ verwüstungen /
sonderlich einer solchen weitberümpften reichen Kauffstadt / als An
torff / zugehet / Fürnemlich / dieweil man doch niemands / ja nit einer
Nation / es sey gleich Englische / Deutsche / Osterling / Italianer / Por
tugaleser / oder Spanische Einwohner verschonet / noch einigen vors
theil gethan hat.

Jetzt hat man Zeitung / das der Herz von Hauret / der Herz
von Campaign / Hiesigen / gewesener Stadthalter / mit noch einem
andern Herrn / des namens man nit weiß / zu Schiff gen Flessingen /
vnd

und nachmals gen Mittelburg zum Prinzen von Orange ankome
men sein / ihnen aber an beyden örtern nicht viel guts noch Ehr bez
wiesen / angethan noch erzeigt / von den sind sie also von dannen nach
Flandern gefahren / vnd letztlich zu Gent ankommen. Mann hat alle
Spannische Pferd aus der Stadt geschickt / die haben den Rest der
Obersteinische geflohene Deutsche Landsknecht / aller aufferhalb dies
ser Stadt umbbracht / vnd nachmals geplündert / also / das die Hiez
fige Geltshreyer / schon zu frieden vnd ihre bezahlungen auff einmal
semplich empfangen haben.

Der vorgemelte Hauptman Cornelis von Linden / der 4. Senz
lein Hochdeutsche Landsknecht alhie gehabt / vnd auff dem Schlos
alhie gefangen gelegen / der ist schon wider ledig vnd loß gelassen / so
zu der einlassung der Stedten Kriegsuold auch geholffen / wie hie
manchem allerley gedanken gibt vnd macht / ob die sachen trewlich
gemeint vnd vollbracht sein.

Etliche Hochdeutsche Landsknechte / so mit den Spanniern in
diese Stadt kommen sind / haben grünes Laub auff den Hüten
oder Sturmhauben gehabt / das sie für den andern Hochdeutschen zu
erkennen.

Die Rebellige Spannier sind alle wider vnter ihr Regiment
gebracht / vnd ist ihnen all ihr Mißthat / zc. von Capellen Sambson
Dauilla / vorziehen vnd vergeben worden.

Siweil die Spannische leichte Pferd / fast alle noch vmb Antz
dorff herum liegen / so ist nun allhie grosse Ehwurung zubeforgen /
Gott der HERR behüte vnd verleihe / das am Getryde kein groß
ser mangel erscheine / Amen.

Das Landuold hierumb ist allenthalben flüchtig / vñ zu Herms
thals / vier Meil von hinnen / darinnen etliche wenig von der Steds
ten Kriegsuold gelegen / ist jederman aus dem Stedlein geflohen /
die Thor auffgestellet / vnd sein also / wie man darein kommen / oder
dardurch gezogen / nicht mehr denn zwo Frauen / darinnen gefunden
worden.

Bommener / die Feste bey Sierickzee / auch die Stadt Sierickzee
selbst / mit allen umbliegenden Flecken vnd Festungen / im Seeland /
haben die Spannier erstlich / nachmals vnd letztlich auch die Waplen
verlassen / Also / das sie alle widerumb in des Prinzen von Orange
gewalt kommen sind vnd geschickt / ist allenthalben ein wunderbar
liche grosse verenderung / zc. Mann

215

Man sagt auch für gewiß / Don Jan de Austria / des Königs zu Hispanien Bruder / sey im Land zu Lüneburg mit 100. Pferden vngesährlich ankommen / vnd er solle von den Spanniern zu Maastricht reglich eingeholt vnd empfangen werden / auch allhie vnd nicht zu Brüssel / sein Residentz oder Hoff halten / vnd verhoffen etliche / er bringe macht vnd befehl vom König wider frieden zu machen / welcher gestalt aber solcher sein werde / sonderlich in dem die Spannier in diesem Niederland bleiben solten / solchs ist dem lieben Gott bekant / der wolle vns mit seiner Barmhertzigkeit beywohnen.

Die Bürgerschaft zu Mechel / hat noch 5. Fenlin Wahlen in der Stadt / sie seind aber da auch schon vntergangen vneyngig / Gott wolle jnen wol vnd weißlich zuhandeln / seine Göttliche genad verleihen / vnd sie vor vnfall vnd schaden gnediglich vnd Väterlich beschützen vnd beschirmen.

Von Brüssel vnd Gent höret man noch nichts besonders / etliche vermeinen / die Stedte von diesen Niederlanden werdens darbey nicht bleiben / noch also schendlich liegen lassen / Man verhofft / weil Don Jan de Austria in diese Niederlandt (wie man vor gewiß sagt) kommen ist / die sach sollen sich zur besserung schicken / vnd wider friede werden / wo aber nicht / so ist sich nur eines größern Kriegs / denn bisher zubesorgen / den verfolg gibt die zeit.

Den 10. tag dieses nach Mittag / hat man den Graffen von Eberstein / inn der Newstadt ertruncken gefunden / hat seinen Harnisch vornen am Leib / vnd an ein Finger einen schönen köstlichen Diamant Ring gehabt / den hat der Castellan Sambson Dauilla vberkommen / vnd dem / der den Graffen gefunden / 50. Cronen oder 100. Carolus gülden darsür verehret.

Vorgemelts alles ist fast das jenige / so sich den 2. dato leider alhie zugetragen hat / vnd seind / wie man außrechnen kan / vngesährlich 6000. Personen / meist Wahlen vnd Hochdeutschen / der minste theil Bürger todte blieben / Jedoch seind etliche Bürger / Weib vnd Kinder verbrunnen vnd ertruncken / Derhalben man keine gewisse zahl noch wissen kan / denn sie werden noch reglich gesucht vnd todte gefunden / Jedoch sollen verhoffentlich vber 500. Bürger nicht vmbkommen / sondern der Rest / so man vermist oder mangelt / noch irgends versteckt / oder sonst aus der Stadt kommen vnd entrunnen sein.

B

Die

Die meiste vrsach dieses vnfers vnglücks / ist entsprossen / oder
erwachsen / das der Stedten Kriegsvold keine Ponirs oder Schantz-
greber mit sich her gebracht / noch auch die Schantzen ordentlich zu-
machen / gute ordnung gegeben / desgleichen die Gassen gegen dem
Castel oder Schlos liegend / nicht auffgegraben haben / noch auch die-
selbige weder mit Geschütz noch anderer notwendigkeit versehen /
sondern es haben die Herrn allein miteinander gezecht / getruncken /
vnd gessen / ja frölich gewesen / die Wahlen besonder Puluer / vnd die
Bürger besonder starke wache an der gegenwehr allein machen lassen.

Siweil denn gar kein Kriegßordnung vorhanden gewest / die
Feind auch solchs durch jr austundschaft des Schlos vnd der Stadt
alles zuvor vnd wol gewust / seind sie desto beherzter herein gefal-
len / auch sich die Wahlen desto minder / ja wol verzagt gehalten / vnd
sich schlecht gewehret. Auch hat der Stadthalter / der Herz von Cam-
pagin / die Bürger erst in die Küstung zukommen ermahnet / da die
Feind schon in der Stadt vnd in vielen Gassen derselben gewest sein /
sonst weren der Bürger so viel nicht vmbkommen / denn so sie solches
oberfallen gewust / weren sie keines wegcs in ihre Wappen kommen /
sondern ein jeder zu Hauß blieben / das seine zubewahren. In Sum-
ma / alle ding seind gar verächtlich / sonder sorg vnd ohn eynige gute
Kriegßordnung zugangen / jederman hat (jedoch vnuerstendiger
weiß) vormeint / diweil nun der Stedten Kriegsvold stark herein-
kommen / so were es alles gut / vnd sicher versehen / vnd gar wol auss-
gericht / Man wolt auch den Spaniern durch Hiesige newe Besatzung
der Wahlen / das Schlos bald abgewinnen / sagend vnd fürgewandt
es were kein beherzter Spannier mehr in diesem gantzen Niederland
vorhanden / also hat man den Feind veracht / vnd sich mehr auff der
Menschen / denn auff Gottes hülff verlassen / so hat vns auch Gott
vmb diese vnd anderer grossen Sünden willen / vnd nicht vnbillich /
gestrafft / Ob nun auch eyniger heimlicher verstand darneben vnd mit
vnter gelauffen sey / das weis Gott / viel aber achten solchen gebliben
vnd vnbesorgten oberfahl / für eine augenscheinliche / offenbarte / ges-
rechte straff Gottes / so ober diese Stadt Antorff / vmb ihrer grossen
Sünden willen / hat gehen sollen vnd müssen. Denn durch Kriegß-
leute vñ langwirigen Krieg / alle ding je lenger je mehr hie verergeret /
der Geiz / Heyd vñnd Haß / mit aller vntrew / Wucher / Hurerey /
Hoffart /

Hoffart/ ja allerhanden Sünde vnd Laster dermassen gewachsen vnd
 vberhand genommen/ das sie gar grosse Sünde/ für gar kleine/ ja gar
 keine Sünde mehr zu sein gerechnet vnd geschetzt worden / Darumb
 hat die straff des H. Ern / nach so viel warnungen vnd dremungen/
 die wir nicht erkennen noch annemen wollen / einest auch folgen/ vnd
 vollzogen werden müssen. Es leyden die frembde vnd außlendische
 Kauffleut/ an ihren Gütern/ Barschaften vnd Schuldern/ den meis-
 sten schaden vnd nachtheil / aus vrsach / das die Schuldner/ so jetze
 alles verloren/ gar nicht oder doch langsam/ bezalen werden können.
 Item/ so müssen solche frembde Kauffleut / ihre verlorne Güter vnd
 Kauffmanschaft / von den Spannischen Soldaten/ auff's thewreste
 wider Kanzonirt vnd einkauffen/ von wegen etlicher Spannier vnd
 Italianer/ so sich auff das einkauffen (vnangesehen das es jnen ver-
 botten worden) legen/ vnd jnen schier so viel/ als die wert sein/ dar-
 für geben/ &c. Der Allmechtige/ gütige Gott vnd Vater/ wolle seine
 scharffe Ruch vnd straff / Väterlich wider von vns nemen/ vnd hinz-
 füro gnediglicher vnd Barmhertziger sein/ auch ein jeden seins schaz-
 dens/ nach seinem Göttlichen willen gnediglich vnd Väterlichen ers-
 getzen/ Durch Ihesum Christum seinen geliebten Sohn vnsern Heys-
 land vnd Seligmacher / Amen.

Sieder 30. bis auff den 14. erfolgt sich / das der Herz von
 Bauret/ vñ Herz von Campaign/ beyde zum Prinzen von Orains
 ge/ in Seeland kommen/ vnd seind ihme zu Fuß gefallen/ Aber nicht
 fast freundlich / sondern schimpfflich von ihme entpfangen worden/
 denn er sie als balde mit diesen schimpffworten gefragt/ Wol/ wol/
 hat der Stedten Krieg jetz schon ein ende/ &c. Darauff sie so gut sie
 kund / geantwort/ entschuldiget vnd sich außgeredet haben/ also hat
 er sie dennoch mit etwas Geld versehen / vnd so bald nach Gent wis-
 der abgefertiget/ das Schlos alda mit ernst helfen zu eröbern/ oder
 aber sonst woll er sich weder ihrer Personen / noch ihrer sachen weiter
 keins wegs mehr annehmen/ darauff ist das Schlos zu Gent erst mit
 rechtem ernst zum Sturm geschossen vnd angegriffen worden / Also/
 das sich die wenige/ als nur 60. Spannier ongefährlich / so noch dar-
 rinnen gewesen / auff 11. dato vor Mittag / den Stedten ergeben
 haben/ mit Condition/ das sie mit ihrer ~~W~~ als Soldaten/ frey zu
 iren Mitgesellen/ ziehen mögen/ welchs jnen zugesagt/ auch gehalten
 worden.



Des Monsir von Mondragons Haußfraw aber / so darinnen
Gewest / ist noch alda / vnd als gefangen wol verwart / so sagen die
Boten / die aus Flandern herkommen / das sie nach besetztem Schlos-
schon auffgebrochen / sollen 40. Senlin stark sein / vnd sein noch 40.
Senlin Fußknecht / 4000. Ponirs oder Schantzgreber / sampt 2000.
Schwarze Keuter / teglich gewertig / Also / das man vermeint / sie
sollen dem Land Braband zu hülff kommen. Mechel vnd Brüssel
halten sich noch behertzt / setzen sich mit gewalt wider die Spanier /
wollen keinen einlassen / vnd haben die von Mechel jetzt wol 30. Sen-
lein Kriegßknecht von der Stedten Vold / zu fürsorge in ihre Stadt.
Gott wolle ihnen wol zu thun gnade geben / damit sie nicht wider-
newen schaden leyden.

Gestern auff den 13. dieses / sein die Spanische Soldaten fast
alle wider von hinnen weg mit 7. Senlein Wahlen / von Monsir de
Mondragons Regiment / so ausserehalb dieser Stadt gelegen / vnd
ans Eridsee vnd andern Festungen gewichen / vnd jetzt herkommen
seind / man acht auff Mechel oder daselst herum gezogen.

Das Schlos von Dalem hinnen / hat sich den Stedten auch erges-
ben / Desgleichen sol sich Amsterdam vnd Vrecht (wie man sagt)
dem Prinzen von Oraige auff vnd vbergeben haben / So sagt der
Bote von Coln / der Fürst oder Hertzog von Cleue / schicke den Steds-
ten 2000. Pferde zu hülffe.

Etliche geben für / Don Jan de Austria sey nur selb vierdte
per posta zu Luxemburg ankommen / vnd hab als bald ein Lackeyen
gen Brüssel geschickt / derselb sey gestern mit einem Trommeter mit
Briefen ins Hiesig Schlos kommen / vnd gehet die sage : Don Jan
de Austria begere / man solle mit den Kriegen hinfür stille sein / denn
der König zu Hispanien wolle kurzumb wider Friede in seinen Nie-
derlanden haben / welchen er auch mitbringe / vnd sol der Hertzog von
Archoe schon mit zweyen bende Keuter vnd etlich Fußuold gen Na-
men zu Don de Austria jene zusprechen / gezogen sein / Gott der
HERR wolle vnser Königs vnd Don de Austria Hertz zu frieden
befeestigen.

Aus Frankreich kommen 4000. Gascomien / So hat man Herz-
zog Casimir vmb 4000. schwarze Keuter oder sonst gute Deutsche
Pferde ersucht / der hoffnung / sie sollen bald fertig werden / Der
Friede

Friede aber were das beste/den wolle Gott gnediglich verleihen/vnd
vns geben alles das selig sey / Amen.

Auff heut den 15. tag/ wil man anfahen zu zweyff. In/ ob Don
Jan de Austria/ wie vorgemelt/ gewis sonderlich zu Namen ankomen
men sey oder nicht / vmb das der Herzog von Arschot aus Brüssel
nicht nach Namen (welchs sich mit den Stedten halt/darumb Don
Jan de Austria nicht gern gen Namen kommen wird) sondern nach
Berghen Henegaw / vmb mehr Kriegsuold/ von dannen zu holen/
vnd die Stadt zuuersehen / geritten sein sol.

Auch sagt man jetzt/die Spannier/so hie gewesen/vnd wider von
hinnen verruckt/werden in Lu/Bredaw/Mastricht vnd andere derg
gleichen Festungen in Besatzung gelegt / wollen sich mit Eroberung
vnd Plünderung dieser Stadt Antorff/gleich diesen Winter also be
gnügen lassen/vnd allein die Festunge vnd Stedte/so sie jetzt haben/
ists möglich/bewahren/vnd darzwischen der grossen hülff (darvon
sie gros geschrey machen) aus Spanien erwarten/ den verfolg gibet
die zeit.

Der Hiesig Castellan weist jetzt des Mondragons 17. Fenlein
Wahlen/ so jetzt noch vor dieser Stadt herum liegen/nach Flandern
vber das Hiesig Wasser zuziehen/vmb das Schlos vnd Dorff Kup
polmonde/ 2. Meil weg von hinnen/vnd am Wasser liegende/ zu
erobern/ auch etliche Dörffer nicht weit darvon / als Schwindreck/
Bewer, Calo/26. dem Herzog von Arschot zugehörende/zuplündern
vnd zu verterben/Die Stedte aber/suchen vnd praeticiren durch alle
mittel mit guten vnd bösen dreuworten auff ire seiten zu ziehen vnd
zuüberkommen/denn es seind nun fortan fast alle gute vnd erfahne
Soldaten. Also sucht ein jede Pardey seinen vortheil im Kriegen/
Meist theil aber Gott bessers/ zu verterbung dieser Niederland.

Ob nun solche 17. Fenlein Wahlen bey den Spanniern bleiben/
oder zu den Stedten sich begeben / wird die zeit mitbringen/ Sehet
also der Krieg / in Flandern vnd Braband erst an / denn die Flem
mig sollen den grossen Standort entbunden vnd auffgericht / des
gleichen die Brabander/ alle ihre Lebensberri vberall auffgemahnet
haben / Also / das wol ein mechtiger grosser hauffe Kriegsuold in

Kurtz zu Fuß vnd Roß / zusammen kommen möchte / vmb der Spanz
 nier verhoffte hülff zu brechen / vnd zuuorkommen / oder zu nicht zu
 machen / Welchs dennoch schwerlich zu thun ist / Gott der HERR
 verleih der König: Mayest: zu Hispanien / Sieg vnd friede / diese
 Irblande hinfort gnediglich vor weiterm schaden vnd verderben /
 Der Friede were das beste.


Es fleucht ein groß Volk von hinnen an alle ort / sonderlich aber
 nach Flandern / mit vnd sonder Passport von Hiesiger Stadt vnd
 Schlos / aus sorgen / das diese Stadt noch einmal vberfallen / beläz
 gert / vnd ausgehungert werden möchte. Auch ist leider jetzt hie
 nicht mehr zu thun / Also / das man vmb etwas zugewinnen / wol an
 andern orten denn hie / als nemlich / zu Bruck in Flandern / Ham
 burg vnd Cöln / dahin sich denn die Kauffmanshandlung vnd ge
 werb hinfort an / wenden vnd begeben wird / suchen mag. Etliche
 vermeinen Bruck in Flandern / werde durch einnehmung vnd zerstö
 rung dieser Stadt Antorff (wo es nicht gar balde friede wird) wider
 zu vnd auffnehmen / vnd vor andern Stedten floriren / vmb das als
 lerley schöne Wahren in Flandern gemacht / auch die frembde Kauff
 manschafft zu Wasser dahin kommen / vnd diese zeit nach / durch das
 Land Lüttich durch Cöln / zc. gebracht vnd gefürt werden kan / vnd
 so dasselbige Passaige (da Gott vor sey) schon auch beschlossen würde /
 so kan man als denn / vnd wenn es zum ergsten kömpt / die Güter
 aus Flandern zu Wasser durch Hamburg / vnd von dannen fort nach
 Cöln / Nürnberg / zc. wo man die haben wil / führen vnd bringen /
 darauff die Kauffleut jetzt ihren verstand legen / vnd jeder sein ge
 legnest ort vnd platz erwehlen / vnd gebrauchen wird.

Auff heut den 16. Wil hinwiderumb vor gewiß gesagt / vnd
 auch gehalten werden / das Don Jan de Austria zu Luxemburg
 per Posta wol ankommen sey / vnd hab als bald den Stedten gen
 Brüssel / auch den Hiesigen Schlos bewarern / als den Castillen / Cas
 pitanien vnd andern gemeinen Befehlhabern / generalichen von dan
 nen aus / bey einem Gesandren neben einem Trommeter / geschrieben.

Man sagt vnd acht / es sey von beyden theilen gründlichen berichte
 zu haben / von jetziger gelegenheit dieser Niederland / vnd stillestande
 dieses

dieses Krieges/ Ob man darzwischen eynige mittel oder wege zu finden
 den dienstlich erdencken vnd finden möchte/ Vnd nach dem der
 Hertzog von Arschot (wie man nachsagen wil) Don Jan de Austria
 kommen ist/ So verhofft man vnzweyffentlich/ die Spannier sollen
 hinfüran nicht allein/ sondern die Stedten auch gehört haben/
 vnd sich alle sachen dadurch widerumb zur besserung/ vnd
 gar keiner ergerung mehr schicken. Gott / der All-
 mechtig ist/ wolle nachmals mit seinen Gnaden vnd
 Barmhertzigen Augen gnediglich darein ses-
 hen/ vnd vns den Frieden widerumb/
 mit vnser Seelen seligkeit
 verleihen/

A M R W



Faint, illegible text, possibly bleed-through from the reverse side of the page.



Umg. VI 67

[Dissertationes

miscell. Vol. 21.]


ULB Halle


3

002 402 475



A-20





31 hh) 211

Regliche / jennierliche
che vnd warhafftige Zeittung / von
der einnehmung vnd plünderung der weit
vnd hochberümpften Stadt Antorff / im
Hertzogthumb Brabandt gelegen / Vnd
was sich von dem andern Nouem-
bris / bis auff den sechzehenden
tag / allenthalben zuge-
tragen hat.



Anno 1577.